



---

Broj: 04- 04-1111-2/21  
Goražde, 14.06.2021.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03 ), člana 4. Zakona o upravljanju privrednim društvima u nadležnosti Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/05) i Odluke o utvrđivanju standarda i kriterija za imenovanje Skupštine J.P. “Bosansko-podrinjske šume” d.o.o. broj: 03-04-2013/20 od dana 30.10.2020.godine, a u vezi sa Zaključkom Vlade Bosansko-podrinjskog kantona Goražde broj: 03-04-990/21 od dana 09.06.2021.godine, Ministarstvo za privredu Bosansko-podrinjskog kantona Goražde, **r a s p i s u j e:**

## **PONOVNI JAVNI OGLAS ZA IZBOR I IMENOVANJE ČLANOVA SKUPŠTINE J.P. „BOSANSKO-PODRINJSKE ŠUME“ D.O.O. GORAŽDE**

Objavljuje se Javni oglas za imenovanje članova Skupštine J.P. “Bosansko-podrinjske šume” d.o.o. i to:

- Predsjednik Skupštine J.P. „Bosansko-podrinjske šume“ d.o.o. Goražde,
- 4 (četiri) člana Skupštine J.P. “Bosansko-podrinjske šume” d.o.o. Goražde.

Skupština J.P. “Bosansko-podrinjske šume” d.o.o. Goražde u svom sastavu broji 5 (pet) članova i to predsjednika i 4 (četiri) člana.

### **Opis upražnjene pozicije:**

Skupština J.P. “Bosansko-podrinjske šume” d.o.o. Goražde nadležna je za: donošenje Statuta i izmjene i dopuni Statuta, donošenju Etičkog kodeksa, povećanju i smanjenju osnovnog kapitala, usvajanju godišnjeg izvještaja društva, načinu pokrića gubitka, raspodjeli dobiti, promjeni oblika i podjeli društva, spajanju sa drugim društvom i pripajanju drugom društvu, izboru i razrješenju članova Nadzornog odbora, osnivanju, reorganizaciji i likvidaciji, godišnjem obračunu, raspodjeli dobiti i pokriću gubitaka, kupovini, prodaji, razmjeni ili davanju u lizing, uzimanju ili davanju kredita i drugim transakcijama, direktno ili posredstvom supsidijarnih društava, u toku poslovne godine u obimu većem od trećine knjigovodstvene vrijednosti imovine preduzeća po bilansu stanja na kraju predhodne godine, kao i o transakciji u manjem obimu, za čije odobrenje je nadležan Nadzorni odbor, ako on takvu predloženu transakciju nije odobrio jednoglasnom odlukom, donošenju poslovnika i pravilnika na prijedlog Nadzornog odbora, donošenju odluke o planu poslovanja, drugim pitanjima bitnim za poslovanje društva, u skladu sa Zakonom i Statutom.

### **Mandat članova Skupštine J.P. “Bosansko-podrinjske šume” d.o.o. Goražde**

Mandat izabranih članova i predsjednika Skupštine J.P. Bosansko-podrinjske šume d.o.o. Goražde traje 4 (četiri) godine. Vlada Bosansko-podrinjskog kantona Goražde imenuje Skupštinu J.P. Bosansko-podrinjske šume d.o.o. Goražde na prijedlog resornog ministarstva. Predsjednik i članovi Skupštine J.P. Bosansko-podrinjske šume d.o.o. Goražde za svoj rad primaju naknadu u skladu sa propisima i naknadama za rad u upravljačkim tijelima.

**Kandidat za predsjednika i članove Skupštine J.P. "Bosansko-podrinjske šume" d.o.o. Goražde mora ispunjavati sljedeće opće uslove:**

- a) da je državljanin Bosne i Hercegovine,
- b) da je osoba starija od 18 godina,
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja konkursa,
- d) da se na njega ne odnosi član IX.1. Ustava Bosne i Hercegovine,
- e) da nije osuđivan za krivično djelo ili privredni prestup koji predstavlja smetnju na imenovanje na upražnjenu poziciju, u roku od 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije,
- f) da se protiv kandidata ne vodi krivični postupak,
- g) da nije lice kojem je presudom suda zabranjeno obavljanje aktivnosti na poziciju za koju se kandiduje,
- h) da nije izabrani zvaničnik, nosilac izvršnih funkcija ili u smislu Zakona o sukobu interesa u organima vlasti Federacije Bosne i Hercegovine ("SLužbene novine Federacije Bosne i Hercegovine", broj: 70/08),
- i) da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
- j) da nije član Nadzornog odbora, Odbora za reviziju ili Uprave Društva, niti da ima direktni ili indirektni finansijski interes u Društvu.

**Pored navedenih općih uslova, kandidat koji se imenuje za poziciju predsjednika i člana Skupštine J.P. "Bosansko-podrinjske šume" d.o.o. Goražde moraju ispunjavati i posebne uslove:**

- a) da ima završenu visoku stručnu spremu VSS-VII, odnosno I, II ili III ciklus Bolonjskog sistema studiranja sa najmanje 180 ECTS bodova i to biotehničke, tehničke ili društvene struke,
- b) da ima najmanje 1 (jednu) godinu radnog iskustva u struci od dana diplomiranja,
- c) da nije član više od jednog upravljačkog tijela,
- d) da posjeduje znanje vezano za nadležnost i rad Skupštine i način rada organa upravljanja privrednim društvima.

**Pored predhodno navedenih uslova za prdsjednika i članove Skupštine neće se imenovati kandidati koji su:**

- a) stariji od 65 godina na dan imenovanja,
- b) osuđivani za krivična djela i za privredne presteupe ne spojive sa dužnošću u upravljačkim tijelima, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije,
- c) lice kojim je presudom suda zabranjeno obavljanje dužnosti u nadležnosti upravljačkih tijela privrednim društvima,
- d) u sukobu interesa u smislu Zakona o sukobu interesa u organima vlasti Federacije Bosne i Hercegovine,
- e) da su u finansiskom ili privatnom interesu u društvu u koje se imenuje,
- f) da nisu u funkciji u političkoj stranci u smislu člana 5. Zakona o ministarskim, vladinim i drugim imenovanjima.

**Uz prijavu za izbor i imenovanje kandidat je dužan priložiti slijedeću dokumentaciju (originalni dokumenti ili ovjerene kopije dokumenata):**

- kraću biografiju, kontakt telefon i adresu
- uvjerenje o državljanstvu,
- izvod iz matične knjige rođenih,

- dokaz o stručnoj spremi,
- dokaz o radnom iskustvu,
- uvjerenje o nekažnjavanju (ne starije od tri mjeseca),
- uvjerenje da se ne vodi krivični postupak (ne starije od tri mjeseca),
- ovjerenu izjavu da nije otpušten iz državne službe kao rezultat disciplinske mjere na bilo kojem nivou BiH posljednje tri godine,
- ovjerenu izjavu da se na njega ne odnosi član IX.1. Ustava BiH,
- ovjerenu izjavu da nije u sukobu interesa u smislu Zakona o sukobu interesa u organima Vlasti FBiH,
- ovjerenu izjavu da nije u finansijskom ili privatnom sukobu interesa za društvo u koje se nominuju,
- ovjerenu izjavu da nije član Nadzornog odbora, Odbora za reviziju ili Uprave društva,
- ovjerenu izjavu da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH.

**U prijavi je potrebno naznačiti za koju se poziciju kandidat prijavljuje, da li za poziciju predsjednika ili člana Skupštine J.P. Bosansko-podrinjske šume d.o.o. Goražde.**

Podnosioci prijava s kojima se ne stupi u kontakt u roku osam (8) dana od isteka roka za podnošenje prijava neće biti uzeti u razmatranje u daljem procesu imenovanja o čemu će biti obavješteni. Svi kandidati koji budu stavljeni na listu za uži izbor bit će pozvani na intervju pred Komisijom za izbor. Sva navedena dokumentacija mora biti u originalu ili ovjerene kopije ne starije od tri mjeseca i neće se vršiti povrat iste kandidatima koji su se prijavili na Javni oglas. Kandidati koje nakon intervjuja preporučí Komisija za izbor smatrat će se da su najuspješnije prošli otvorenu konkurenciju.

Oglas će biti objavljen u „Službenim novinama Federacije BiH“, na web stranici Vlade Bosansko - podrinjskog Kantona Goražde, Oglasnoj ploči Ministarstva za privredu Bosansko-podrinjskog kantona Goražde i jednom dnevnom listu velikog tiraža.

Prijave sa traženom dokumentacijom treba dostaviti lično ili preporučeno putem pošte na adresu Ministarstvo za privredu Bosansko - podrinjskog kantona Goražde, ul. Maršala Tita br.5, Goražde sa naznakom “PRIJAVA NA JAVNI OGLAS ZA IMENOVANJE ČLANOVA SKUPŠTINE J.P. “BOSANSKO-PODRINJSKE ŠUME” d.o.o. GORAŽDE – NE OTVARATI”.

Oglas ostaje otvoren 15 dana od dana posljednjeg javnog objavljivanja u Službenim novinama Federacije BiH ili jednom dnevnom listu velikog tiraža.

Nepotpune i neblagovremene prijave neće se uzeti u razmatranje.

**DOSTAVLJENO:**

1. Oglasna ploča,
2. Evidenciji i
3. a/a.

**M I N I S T A R**

mr.sc. Mensad Arnaut

